

73714

局志 317

地280.257

42

部五1-10

雲陽縣志

奉節張朝墀著



雲陽縣志

巫溪鄒洸



雲陽縣志

中華民國二十四年歲在癸
蒙大淵獻壯
月朶於舊京

雲陽縣志序

吾縣雲陽之有志始於明嘉靖二十年逮及有清一修於乾隆十一年再修於咸豐四年嘉靖志兩卷爲知縣楊鸞所修撰者則縣人秦覺也覺嘉靖戊子舉人今惟范氏天一閣藏有此書曾輾轉乞鈔以海內孤本迄未見許乾隆志則從故宮鈔得爲知縣劉士璿曹源邦相繼修成縣人陳嘉瑯纂輯爲書四卷雖稍簡略然規模已大具矣咸豐志則知縣江錫麒主之開縣陳崑修纂都十二卷視舊志特詳至於今蓋八十年矣民國六年四川通志將續修令各縣先修縣志時知雲陽縣事者霍山朱君鐵如設局始事聘奉節劉貞安問竹爲之理董問竹以名進士出宰印江國變後歸隱雲陽平昔邃於史學事例嫻審文筆淵懃得力於范書尤深遂與彭聚星雲伯甘作儀漸六郭文珍

雲陽縣志卷首 志序

聘初石敬武仲模從事編纂其爲綱十八爲目百餘三十蓋以自來方志之作類皆舉例通泛隸事冗蕪摛詞膚淺必欲力矯其習一以翔實淵雅爲率當是時蜀亂益熾兵賊縱橫縣境適當其衝啟處不甯作而復輟者屢矣至十八年始脫稿問竹書來屬予爲序其端明年冬予歸里曠君仲敏將寫定本四十二卷來以剞劂之資已移軍用屬予慇懃付梓予受而讀之其敘述山水一篇全仿水經注所在景物名勝隨山水敘入使寥落僻陋之區皆呈詭奇幽勝之觀一如身游其中令人應接不暇地里則以歷代地志爲綱旁攷傳記爲之疏證不襲星野臆說而沿革例表亦復省之鹽法詳前人之所略氏族補舊志之所無此其犖犖大者其他類聚部別簡而當繁而不縟事增於舊志且十倍文並不加於舊志而綿麗雅正過之誠彬彬乎其有

文章矣竊嘗以爲縣之有志猶國之有史也國無史則國亡而史無文則史亦亡故雖晉有董狐齊有南史楚有倚相當時皆號良史然晉之乘楚之檮杌至今僅存其名齊史並名亦不存不能與魯之春秋並傳於後世蓋春秋經孔子修定而左氏公羊氏穀梁氏又爲之傳以輔翼之使二百四十餘年之事了然於後人心目間而其文亦遂並天地亘古今相傳於不朽孔子曰言之無文行之不遠甚哉文之不可苟焉已也雲陽以胸臆名疆紀入華陽國志以來無此作矣其足以信今而傳後也尚何疑焉予攜稿還舊京將畀手民累商縣府措資則以糧餉繁重每歲輒十數徵民生益困實無財力及此以迄於今予藉此餘閒補士女列傳數篇搜宋明以後詩文若干補入文錄又撰述方言附於禮俗之末此外未敢有所增損也比聞縣人士以

稿尚未全須補齊再刊豈知方志者累世不完之書續修之事大可任之來者乎歲己未秋予歸省母曾過志局與雲伯問竹聘初仲樸相聚詩酒流連共數晨夕始去越四年歸訪聘初於岑柴適問竹漸六以避兵移志局於此時聘初病篤而雲伯仲樸則先後歸道山矣又三年入縣門晤問竹爲言志稿歷盡艱阻幸將完竣安得垂暮之年及見鈔諸棗梨乎是不能不有望於子矣蓋聘初漸六又相繼殂逝故問竹言之絕痛也去夏又聞問竹物故爲感歎欷歔者久之以謂成一書之難也固如此哉予不敢負死友諾責爲作此序並將謀諸縣長求所以印行此志者今縣長巫溪鄒洸樾森曾在黑龍江從子游最久有聲廉能其伯兄河渠子老友也聞之促子務底於成且喜乃弟從此不朽也樾森其有意乎中華民國廿四年一月縣人涂鳳書

雲陽縣志纂修職員一覽表

職	銜	名	字	籍貫
董修	雲陽縣知事	朱世鏞	鐵如	安徽霍山
董修	雲陽縣知事	黃葆初		江
總纂	貴州印江縣知縣	劉貞安	問竹	奉節
<small>編主</small> <small>纂任</small>	內閣主計局僉事	郭文珍	聘初	雲陽
編纂	學部主事	彭聚星	雲伯	奉節
編纂	歲貢生	甘作儀	漸六	雲陽
編纂	增生	王伯雲	賜一	雲陽
監修	附生	石敬武	仲謨	雲陽
監修	府經歷	彭宜讓	訓敷	雲陽
監修		閔百祥	達兼	雲陽
繕校員		曠仕棠	仲敏	雲陽
繕校員		涂廷蔭	幹生	雲陽

雲陽縣志卷首

纂修職員表

一

雲陽縣志經印職員一覽表

職	別	姓名	別號	籍	
縣	長	鄧德芳			溪貫
縣	長	鄒洸	懋森	巫	
縣	長	盧琰	行謙	瀘	縣
總務科	員	梁柱熙		富	順
財政科	員	魏連洲		雲	陽
教育科	長	薛迪之		雲	陽
黨務整理委員		楊秩東		雲	陽
黨務整理委員		饒均布		雲	陽
團務委員	長	馬仲雲		雲	陽
團務委員		吳直夫		雲	陽
團務委員		閔百祥	達兼	雲	陽
團務委員		凌濟弘		雲	陽
財務委員	長	程雲集		雲	陽
財務委員	長	王巨江	曉波	雲	陽
財務委員		盧孟煊		雲	陽
教育經費收支主任		汪體之		雲	陽
文獻委員	長	柳達	子達	雲	陽
圖書館	長	甘星年	象時	雲	陽
圖書館	員	程相儒		雲	陽
商會	主席	張凌雲		雲	陽
工會	理事長	張知競		雲	陽
前商會	主席	蔣計生		雲	陽

雲陽縣志目錄

卷一

地里

疆域總圖 歷史地里疏證 城鎮鄉戶口市集 名勝圖

卷二

建置

城池 衙署 壇廟 驛傳 倉庫 會局 所

卷三

山水上

北山 西北山 東北山

卷四

山水中

南山 西南山 東南山

卷五

山水下

過境大江 彭溪 湯溪 新軍水 永谷 咸池水

卷六

阨塞

關隘 寨洞 礮壘 道路 津渡 橋梁

卷七

官師上

表

漢至元 明清 近人

卷八
傳

卷九

財賦

正稅 津貼 捐輸 契稅 附加

卷十

鹽法

沿革 井竈 租賃 洩汲 薪炭 煎法 引岸
稅率 分運 鹽官 關卡

卷十一

學校

儒學 書院 中學校 小學校 教育產業文契表

卷十二

禮俗上

冠 昏 喪 祭

卷十三

禮俗中

士 農 工 商

卷十四

禮俗下

方言上

卷十五

禮俗下

方言下

卷十六

兵團上

周 秦 漢 三國 梁 北周 唐 孟蜀 宋

元 明 清

卷十七

兵團中

梟匪

卷十八

兵團下

團防

卷十九

雲陽縣志卷首

三

倉儲

常平 監倉 社倉 義倉 濟倉 採辦倉

卷二十

惠卹

三費局 同樂堂 育嬰堂 樂善堂 平安局 養

濟院 一錢會 救生局 浮尸會 醫藥局 貧民

教養工廠 老老會 白骨塔 義冢 惠人表

卷二十一

祠廟

神祠 會館 雜祀 佛寺 道院

卷二十二

金石

漢 晉 梁 唐 後蜀 宋 元 明清

卷二十三

族姓

族姓表 宗祠表 附說略

卷二十四

士女

先賢

卷二十五

士女

耆舊一

卷二十六

士女

雲陽縣志卷首

目錄

四

耆舊二

卷二十七

士女

耆舊三

卷二十八

士女

耆舊四

卷二十九

士女

壽民表

卷三十

士女

貢舉上

表

卷三十一

士女

貢舉下

傳

卷三十二

士女

士林上

卷三十三

士女

士林下

卷三十四

士女

生員表

卷三十五

士女

孝友上

卷三十六

士女

孝友下

卷三十七

士女

獨行

卷三十八

士女

死難

卷三十九

士女

方外

卷四十

士女

列女上

卷四十一

士女

列女下

雲陽縣志卷首 目錄

六

卷四十二

文錄上

詩

卷四十三

文錄下

雜文

卷四十四

敘錄

雲陽縣疆域全圖



圖例

縣界	縣城	場市	地名重要
-----	○●	○	×

北
西 — 東
南

雲陽縣志卷一

地里

雲陽縣境在三代為荆梁二州之域常璩華陽國志以巴郡屬梁州下界魚復為州東徽然爾雅釋地周

禮職方皆無梁州說者以爾雅為殷制謂殷周兩代漢以南皆屬荆州是縣境常隸二州之證常氏蓋稟晉制也其地舊名胸忍蓋

不始於秦第秦以上地志無徵稱名所始莫能詳也地迫三峽

連山帶江成周之世嘗隸庸為國與巴楚齊名較大雄長羣蠻

中春秋時楚寢強盛文公十六年庸為所滅縣地遂屬於楚今

縣南有楚故陵蓋其驗矣秦既郡縣天下置守令而胸忍以縣

屬巴郡漢興因之班固始著錄於史志後漢屬巴東郡改屬固

陵郡又改隸巴東南郡晉仍曰胸忍屬巴東郡至後周乃改縣

曰雲安隋因之唐改隸夔州後又隸雲安郡五代蜀因之宋於

夔州路置雲安軍以縣入之又析鹽戶置安義縣旋廢元初夔

雲陽縣志卷一 地里

軍名後升為雲陽州明因之復改為縣清仍明舊為夔州府屬

六縣之一此歷代因革之大略也若夫封域廣狹代各異制移

隸分併離合滋多縣在秦漢時實兼今萬開梁山諸境廣袤數

百里蔚為大國建安間始析置漢豐蜀漢建興又析置南浦西

魏分南浦置梁山縣周復還隸萬川是後縣境較昔狹十之七

以訖於今其間隣壘犬牙截補出入舊記所闕無從考析然攬

其形便要不相遠故疏列歷史地志旁攷諸書以究其實而近

世團甲鄉鎮損益利病之故亦具詳焉庶體國經野之跡粲然

明著者矣

舊志論曰雲陽非巴亦非夔在周為庸國地讀史方輿紀要四川夔州府周庸國地

即書牧誓所云庸蜀羌髻是也庸時建國在今湖北竹山縣

讀史方輿紀要今湖北竹山縣西四十里有上庸城即庸國建都處而四川之雲陽萬縣開縣梁山皆

屬焉

方輿紀要梁山縣周庸國地

其地東與夔鄰於今巫山接壤

寰宇記巫縣故城在今縣

北本夔子熊勢所居故知巫山為夔國地

西與巴鄰於今忠州接壤

華陽國志周之季世巴國有亂將軍蔓子請師

於楚通志忠州以蔓子忠烈得名故知忠州為巴國地

自僖公三十六年楚子滅夔之後庸

乃與楚毗連矣左傳文公十六年楚人伐庸七戰皆北惟裨儵魚人實逐之杜註裨儵魚三邑名庸屬邑也魚復即今奉節縣雲陽其即裨儵二邑之一歟迨匡王二年秦人巴人從楚師羣蠻從楚子盟遂滅庸庸地乃併入於楚水經注江水經故陵北江側有六大墳庾仲雍曰楚都丹陽時所葬按故陵在今奉節縣西與雲陽縣接界處使其時庸地為巴有楚何得而置陵乎是則雲陽始屬庸庸繼屬楚夔不得而有之巴亦不得而有之然則世以雲陽為巴夔者何也蓋秦并天下分為郡縣置巴郡胸忍縣屬焉於是雲陽始有巴之名漢建

安六年魚復蹇允爭巴名者乃爭秦之巴郡非爭周之巴國也唐武德元年改信州曰夔州雲安縣屬焉於是雲陽始有夔之名而不知其為後世之夔州非昔之夔國也要之庸國都遠在湖北而置三四百里地於巴夔之間故後人祇見有巴夔不知有庸四川通志夔州府志皆巴夔庸兼收無定說此則未嘗攷覈之過也

漢書地理志

巴郡

胸忍

容母水所出南有橘官豐官師古曰胸音劬

按秦罷侯置守而巴為三十六郡之一郡所領縣雖不可備考然西漢承流損益可知故以胸忍名縣當自秦始皇古人質直地以物稱俚俗相沿其來蓋遠是胸忍之為地名又不僅自秦始皇也但地廁要荒古籍習昧故今所紀述以班書為斷縣境諸水入江者經流凡四西北曰彭溪東北曰湯溪西南

曰新軍水東南曰永谷詳具山水篇容母之名彭湯兩水必居一焉古籍無徵莫由確定

地故產橘漢世當極饒溢故為置官今久衰歇唯人家田園時時有之實小而酢不稱佳植遠遜渝瀘所產豈土宜變遷亦俗尚與古異歟

縣北鹽場為巴楚間食貨奧區相傳肇自秦漢時漢之有鹽官即後之雲安監矣近代亦重大使權運之掌語在鹽法篇

鹽場在縣北雖南岸亦有數井而鹵薄鹽少漢官不必在南顏往承上南字蓋稍疏矣

說文肉部胸脯挺也挺一作脰後起俗字從肉句聲曲禮左胸右未鄭注

屈中曰胸說文敝曰虫者屈中也雖漢世駁文可為胸訓屈中為蟲名之證音劬按漢志顏注音與

鄭同蓋胸劬皆從句聲句古鉤字本有曲義公羊何注亦曰

屈中曰胸申曰脰東觀漢記脯三十胸皆與許義合呂覽高

誘注蚯蟻一名胸忍古今注曰一名曲蟻今俗作蟻後起字也胸蚯曲屈

四字一聲之轉又一名死蟻死曲互訓一名寒蚓孟子亦作蚓即蟻之或體一

名寒蟻爾雅曰蠃蚓豎蠶今江東人曰回蟻同有曲義而蟻蚓蠃

豎蟻五字與忍又皆一聲之轉也要之古今名物本無定字

但取音義相從者當之胸兼聲義忍則但借其聲無義漢俗稱蚯蚓為胸忍地

多此蟲因以名縣蓋其質也唐以前金石傳記凡稱此縣者

若曹全碑祖敏巴郡胸忍令李禹殘碑轉巴郡胸忍令樊敏復華下民租碑郡巴

胸忍令雍勸闕胸忍令巴郡太守張納碑胸忍令暨後漢書獻帝紀三

國志二牧傳先主傳司馬彪續漢書郡國志晉常璩華陽國志北魏酈道元水經注皆作胸忍胸不從旬忍不從肉形聲義三事明確無異致也至李賢注後漢書吳漢傳胸臆徐慮下胸音劬臆音忍與小顏以來音讀本無不合乃復引闕駟

十三州志云胸音春忍音閏其地下溼多胸忍蟲因以名縣又注劉焉傳則全依闕讀然忍字雖加月旁胸尚從句未改

凡古人名物連絲字一有偏旁一無偏旁者後人多增旁以示整齊此其一也句聲不應讀春蓋闕氏時已

誤胸從旬而章懷習見古書未敢遽改以致矛盾惶惑耳氏段

玉裁謂闕在唐以前不宜有誤蓋注十三州志者見胸既誤胸忍又加肉不知改正妄為此音而章懷引之似非其實是後唐韻已收

胸臆二文上尺尹切音蠢下如順切音閏諸字書遂相承不改兩字形聲至是乃俱譌矣而杜佑通典則又謂上字如順切下字尺尹切已顯與唐韻音切顛倒贅亂又誤以為縣在漢中尤乖地望宋徐鉉校定說文竟於肉部新增胸臆二篆云從肉旬聲從肉忍聲說解音切一依通典而曰考其義當作潤蠢即如所言潤蠢亦是音非義謬甚李燾號小學名家其作胸忍辨以通典為是反謂作胸音劬者為非明楊慎且稱其互證練考訂

千古之謬慎矣方以智通雅引問奇集音瞿閏字彙胸作胸音潤戴侗六書故亦云胸誤為胸胸尺尹切臆爾軫切矍閏音誤按方氏亦專長故訓而踵訛乃爾問奇集尚近古戴氏指胸為誤與巽巖同音切與唐韻略同若梅氏字彙陋不足辯矣又謂即雲陽梁山二縣亦疏六書盲晦考古之難非一日矣又王氏念孫漢隸拾遺引高誘注淮南時則訓云蚯蚓蠢蠕也蠕閏聲近形義亦肖似漢人原有此名為闕杜諸說所本然高氏但言蠢蠕為蚯蚓之別名非謂蠢蠕即胸忍之異音則亦無可疑者也章懷云胸忍故城在今夔州雲安縣西萬戶故城是也巽巖云雲安之西三十里萬戶驛下橫石灘上土人云驛之左右胸忍故地也近其地猶名舊縣坪縣境兩岸每雨暘蒸鬱沙步中蚯蚓羣出糾結蠕動至不可容